

26. **C. Elbrusensis** (Boiss. Diagn. Ser. I, 11, p. 58) rhizomate tenui obliquo elongato superne pluricipiti, foliis omnibus rosulatis pilis albis brevibus dense hirtis abbreviatis petiolatis lyratim pinnatipartitis segmentis parvis subretrorsis oblongo-triangularibus integris vel argute lobulatis terminali majore obtuso mucronato. caulis scapiformibus divaricatim furcatis praeter squamulas lincares nudis, capitulis parvis pedunculo longo apice parce nigro-glanduloso suffultis, involucri livescentis phyllis paucis praeter pubem brevem farinaceam dorso parce glanduloso-setulosis externis ovato-oblongis triplo brevioribus internis linear-lanceolatis acutis, acheniis apice subattenuatis, pappo niveo caduco ♀.

Hab. in alpinis jugi Elbrus Persiae borealis, mons Elamout (Auch. 4855!), supra Asadbar Elbrus occidentalis loco Chargerdene dicto (Ky. 471!), in monte Totschal prope Teheran 8000' forma major (Ky. 676!).

Folia 1-1 1/2-pollicaria, scapi cum pedunculis 3-4-pollicares, in specimine Kotschyano exs. 676 fere pedales ramosiores, rhizoma pennâ anserinâ tenuius squamulis et gemmis abortivis obsitum 2-3-pollices longum obliquum. Dif- fert a *C. Bithynicâ* rhizomate apice præmorso quidem sed elongato et parce fibroso, indumento denso, foliis et capitulis minoribus, pappo caduco.

27. **C. dioritica** (Schott et Ky. in Sched. Pl. Kotsch. 1853) rhizomate præmorso valde fibroso squamoso, foliis omnibus radicalibus pube albâ brevi rigidulâ papillari dense hirtis parvis breviter petiolatis ambitu oblongis acutis in segmenta oblongo-triangularia acuta repanda pinnatipartitis. scapis folia subduplo superantibus monocephalis vel furcato-dicephalis pedunculis glanduloso-setulosis, capitulo mediocri, involucri livescentis pube viscidulâ setulisque glandulosis parce obsiti phyllis externis dimidio brevioribus internis margine membranaceis obtusis, acheniis striatis apice brevissime attenuatis, pappo niveo ♀.

Hab. in planicie dioriticâ ad radices montis Gisyl Tepe Tauri Cilicici 8000' (Ky. 123! Ball!).

Folia pollicaria segmentis sesquilineam tantum longis, scapi 1 1/2-2-pollicares, ligulæ elongatae pallide flavæ. Facies *C. pinnatifidæ* radice diversissimæ.

28. **C. Olympica** (C. Koch Linn. XXIII, p. 691) radice brevissimâ præmorsâ fibrosâ, foliis omnibus radicalibus glabris rosulatis parvis oblongis obtusis in petiolum brevem attenuatis integris vel parce et minute denticulatis, scapis tenuibus monocephalis foliis 2-6-plo longioribus nigricantibus apice nigro-setulosis, capitulo parvo angusto paucifloro, involucri nigricantis phyllis paucis externis acutis dimidio brevioribus internis dorso parce et breviter nigro-setulosis obtusiusculis, ligulis flavis subtus purpureis, acheniis apice subattenuatis, pappo niveo ♀.

Hab. in regione alpinâ Olympi Bithyni (Thirke! Coumany!, Dr Fritsch!, Pichler!).

Folia cum petiolo 6-8 lineas longa 2-3 lata, facies *Leontodontis squamosi* vel